

Mauri mai ZIMBABWE!

E mena Zimbabwe i Aberika Maiaki. E raka iaon 16,500,000 aomata aika a maeka ikekei.


TE BWARO N RAN AE KAKATEKE TARAANA

Victoria Falls i Zimbabwe bon te kabanea ni bubura ni bwaro n ran n te aonaaba. Ko kona n ongo te karongoaa man 24 te maaire (40 te kiromita) raroana!



MAAN AIKA A KAKATE TARAIA

A mwaiti taabo aika a kiriuteute i aon Zimbabwe. Tabeua maan ake a maeka ikekei bon taian raian, hippopotamuses, giraffes, antelopes, ao taian erebwanti.



ROKON TE BURABETI

N Eberi 2018 a nako Zimbabwe Bereitenti ao Titiita Nelson. Tebubua ataei aika a anenea "Ngai Natin te Atua" ibukia.



Livukile!

Nanon anne "Mauri n te Moaningabong aei!" n te taetae n Ndebele.

TAIAN TAETAETAE

Iai 16 te taetae i aon Zimbabwe. Tabeua mai buakon aikai bon Shona, Ndebele, ao te Ingiriti—tabeua aran taian taetae ake a kabonganaaki!



Te Erebwanti ae Karaoaki n te Bai

Zimbabwe bon te kauoua n aba ae moan te korakora mwaitin ana erebwanti i aon te aonaaba!

1. Korea te beeba te beeba ae bubura ibukin atuuna ao uoua te mronron ibukin taningana. Kanimwa taningana nako rarikin atuuna.
2. Korea te beeba ni kaananaua ae reketangoro bwa ko na karaoa bukina. Rukumma nako buuki ao nako mooa bwa e aonga n tei n zig-zag.
3. Korea uoua koron te erebwanti.
4. Korea tamnein matana ao e na moangare am erebwanti. Ngkanne kanim korona ao bukina mai ieta!

WAAKI NI KAKUKUREI



BWAINA



Muriwo Unedovi (Peanut Butter Greens)

Te Muriwo unedovi bon amwaraken Zimbabwe. Aio bwaina ngkana ko na kataia!

1. Korokorea **1 te anian** ao kuukana inanon te baan ma te **oera** inanon 3–5 miniti. Korokorei **2 te tomatoo** ao kabwaka inanon te baan. Kuukana inanon 3–5 te miniti ke e nako riki.
2. Korokorei **10 te mwangko (2400 ml) te spinach** (ke te baanikai ae kiriin are ko bon rineia) ao kabwaka inanon te baan. Tataninga ni karokoa are e kui te baanikai inanon 5 te miniti.
3. Kabwaka **2 te buun n amwarake (30 ml) te peanut butter, 1/4 mwangko (59 ml) te ran, ao 1/2 te buun n ataei (2.4 ml) te garlic powder**. Kabobooa raoi ao kabwaka te **taoro** n noora kangkangina.

Kakoouaa bwa e reke buokam iroun ae e ikawai!